



春秋公羊傳

△宣公

元年春王正月公即位

△繼弑君不言即位此其言即位何其意也如其意

公子遂如齊逆女

三月遂以夫人婦姜至自齊

遂何以不稱公子一事而再見者卒名也夫人何以不稱姜氏貶曷為貶譏喪娶也喪娶者公也則曷為貶夫人內無貶於公之道也內無貶

於公之道則曷為貶夫人。夫人與公一體也。其稱婦何。有姑之辭也。卒竟也。竟但舉名者省文也。有姑則當以婦禮至。夏季孫行父如齊。

晉放其大夫胥甲父于衛。

放之者何。猶曰無去是云爾。然則何言爾。近正也。此其為近正奈何。古者大夫已去。三年待放。君放之非也。大夫待放正也。古者臣有大喪則君三年不呼其門。已練可以弁冕服金革之車。君使之非也。臣行之禮也。閔子要經。叩服事。

章法

忽及喪禮復按閔子孔子證結於經文全不干涉矣

雖古人不拘然不可以為法語却工妙

而曰若此乎。古之道不即人心退而致仕。孔蓋善之也。古者疑獄三年而後斷。易曰繫用也。有罪當誅。故三年不敢去。以待放爾。即近也。善之。善其服事。外得君臣之義。致仕內不失親親之恩。言古者又遜順不訕其君也。

公會齊侯于平州。

公子遂如齊。

六月齊人取濟西田。

外取邑不書。此何以書。所以賂齊也。曷為賂齊。為弑子赤之賂也。子赤齊外孫

秋邾婁子來朝

楚子鄭人侵陳遂侵宋

晉趙盾帥師救陳

宋公陳侯衛侯曹伯會晉師于斐林伐鄭

此晉趙盾之師也曷為不言趙盾之師君不會大夫之辭也

冬晉趙穿帥師侵柳

柳者何天子之邑也曷為不繫乎周不與伐天子也

斐左穀作

柳左穀作

晉人宋人伐鄭

二年春王二月壬子宋華元帥師及鄭公子歸生帥師戰于大棘宋師敗績獲宋華元

秦師伐晉

夏晉人宋人衛人陳人侵鄭

秋九月乙丑晉趙盾弑其君夷獯

冬十月乙亥天王崩

三年春王正月郊牛之口傷改卜牛牛死乃不郊猶三望

獯戶刀反又古刀反左穀作臯

板音類反
又前森反

其言之何緩也。曷為不復卜養牲。養二卜帝牲。不吉則板稷牲而卜之。帝牲在於滌。三月於稷者。唯具是視。郊則曷為必祭稷。王者必以其祖配。王者則曷為必以其祖配。自內出者無匹不行。自外至者無主不止。其言之何者。据食角不言之也。辭間容之。故為緩。不若食角急也。養牲養二卜者。先卜帝牲養之。有災更引稷牲卜之。以為天牲。養之。凡當二卜爾。不吉有災也。滌。宮名。養帝牲三牢之處也。謂之滌者。取其蕩滌潔清。唯具是視。視其身體具。無災害而已。不特養於滌宮。所以降稷尊帝。匹合也。無所與會合。則不行。主主人。必得主人乃止者。天道闇昧。故推人道以接之。

葬匡王

楚子伐賁渾戎

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭繆公

四年春王正月公及齊侯平莒及郟莒人不肯公

伐莒取向

賁音六或音奔左穀作陸左渾下有之字

繆左穀作穆

此平莒也其言不肯何辭取向也為公取向作辭也

秦伯稻卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

左無子字

秋九月齊高固來逆子叔姬

叔孫得臣卒

冬齊高固及子叔姬來

語含蓄而多風

何言乎高固之來言叔姬之來而不言高固之來則不可句法子公羊子曰其諸為其雙雙而俱至

注誕

者與禮大夫妻歲一歸寧叔姬屬嫁而與高固來如但言叔姬來而不言高固來則魯負教戒重不可言故書高固明失教戒重在固爾雙雙之鳥一身二首尾有雌雄隨便而偶常不離散故以喻焉

楚人伐鄭

六年春晉趙盾衛孫免侵陳

趙盾弑君此其復見何親弑君者趙穿也親弑

君者趙穿則曷為加之趙盾不討賊也何以謂

之不討賊晉史書賊曰晉趙盾弑其君夷犇趙

盾曰天乎無辜吾不弑君誰謂吾弑君者乎史

曰爾為仁為義人弑爾君而復國不討賊此非

弑君而何趙盾之復國奈何靈公為無道使諸

大夫皆內朝然後處乎臺上引彈而彈之已趨

而辟丸是樂而已矣趙盾已朝而出與諸大夫

立於朝有人荷畚自閨而出者趙盾曰彼何也

夫畚曷為出乎閨呼之不至曰子大夫也欲視

之則就而視之趙盾就而視之則赫然死人也

趙盾曰是何也曰膳宰也熊蹯不熟公怒以斗

擊而殺之支解將使我棄之趙盾曰嘻趨而入

靈公望見趙盾愬而再拜趙盾逡巡北面再拜

稽首趨而出靈公心作焉欲殺之於是使勇士

某者往殺之勇士入其大門則無人門焉者入

其閨則無人閨焉者上其堂則無人焉俯而闚

此有名大文

叙事有法摹

情入細大勝

左氏

傳引此事但

為趙盾不親

弑所以復見

于徑非特取

弑君事補叙

於此也

提此問答在

前只是亟見

趙盾不親弑

意

寫得滿散宛

至有景有韻

靈公慙甚而

公羊氏亦文

荷一音何本
又作何胡可
反

擊五羔反又
苦交反
愬所革反又
如字

如畫

易平易也
謂不設侍
衛

如觀

踏丑畧反與
躡同一本作
是音同

此傳字之
飛躍段之
精神叙事
如畫摸景
如觀讀之
津：趣流
順頰

其戶方食魚殮勇士曰嘻子誠仁人也吾入子
之。大。門。則。無。人。焉。入。子。之。閨。則。無。人。焉。上。子。之。
堂。則。無。人。焉。是。子。之。易。也。子。為。晉。國。重。卿。而。食。
魚。殮。是。子。之。儉。也。君。將。使。我。殺。子。吾。不。忍。殺。子。
也。雖。然。吾。亦。不。可。復。見。吾。君。矣。遂。刎。頸。而。死。靈。
公。聞。之。怒。滋。欲。殺。之。甚。衆。莫。可。使。往。者。於。是。伏。
甲。於。宮。中。召。趙。盾。而。食。之。趙。盾。之。車。右。祁。彌。明。
者。國。之。力。士。也。佗。然。從。乎。趙。盾。而。入。放。乎。堂。下。
而。立。趙。盾。已。食。靈。公。謂。盾。曰。吾。聞。子。之。劍。蓋。利。

劍也子以示我吾將觀焉趙盾起將進劍祁彌
明自下呼之曰盾食飽則出何故拔劍於君所
趙盾知之蹠階而走靈公有周狗謂之葵呼葵
而屬之葵亦蹠階而從之祁彌明逆而跋之絕
其領趙盾顧曰君之葵不如臣之葵也然而宮
中甲鼓而起有起於甲中者抱趙盾而乘之趙
盾顧曰吾何以得此於子曰子某時所食活我
於暴桑下者也趙盾曰子名為誰曰吾君孰為
介子之乘矣何問吾名趙盾驅而出眾無留之

者。趙穿緣民衆不說起弑靈公。然後逆趙盾而入。與之立於朝而立成公黑臀。內朝路寢廷也。禮。公族朝於內朝。親親也。已音紀。已諸大夫也。舂草器。若今市所量穀者。齊人謂之鍾。宮中之門謂之闈。其小者謂之閨。擊猶擊也。擊謂旁擊頭項也。擊口弔反。愬驚貌。禮。臣拜然後君答拜。靈公先拜者。舂出盾入。知其欲諫。欲以敬拒之。使不復言也。易猶省也。伋然壯勇貌。蹻猶超遠。不暇以次也。周狗。可以比周之狗。所指如意者。屬謂呼而指屬之。今呼犬謂之屬。義出於此。以足逆躡曰跋。領口也。暴桑者。蒲蘇桑。介甲也。猶曰吾君誰爲興此甲兵。豈不爲盾乎。之乘。卽上車也。

夏四月

秋八月螻

冬十月

七年春衛侯使孫良夫來盟

夏公會齊侯伐萊

秋公至自伐萊

大旱

冬公會晉侯宋公衛侯鄭伯曹伯于黑壤

八年春公至自會

夏六月公子遂如齊至黃乃復

其言至黃乃復何有疾也何言乎有疾乃復譏

何譏爾大夫以君命出聞喪徐行而不反聞喪尚不

辛巳有事于大廟

仲遂卒于垂

△仲遂者何公子遂也何以不稱公子貶曷為貶

為弑子赤貶然則曷為其不於弑焉貶於文則

無罪於子則無年於文則無罪者解文十八年秋如齊不貶意也十八年編

於文公貶之則嫌有罪於文公無罪於子赤矣子子赤也

壬午猶繹萬人去籥

△繹者何祭之明日也萬者何于舞也籥者何籥

舞也其言萬入去籥何去其有聲者廢其無聲

者存其心焉爾存其心焉爾者何知其不可而

為之也猶者何通可以已也禮大夫死為廢一時之祭有事於廟

而聞之者去樂卒事而聞之者廢繹繹繼昨日事但不灌地降神爾天子諸侯曰繹大夫曰賓

尸士曰宴尸去事之殺也干謂楯也能為人扞難而不使害人故聖王貴之以為武樂萬者其

篇名籥所吹以節舞也吹籥而舞文樂之長廢置也置也者不去也齊人語知其不可而為之

者明其心猶存於樂知其不可故去其有聲者而為之

戊子夫人熊氏薨

熊左作羸

晉師自狄伐秦

藟穀作鄂

楚人滅舒蓼

秋七月甲子日有食之既

頃音傾左
作敬

冬十月己丑葬我小君頃熊雨不克葬庚寅日中而克葬

頃熊者何宣公之母也而者何難也乃者何難

也曷為或言而或言乃乃難乎而也乃定公十五年乃克

葬也言乃者內而深言而者外而淺下是日跌久故言乃

城平陽

楚師伐陳

九年春王正月公如齊

公至自齊

夏仲孫蔑如京師

齊侯伐萊

秋取根牟

根牟者何邾婁之邑也曷為不繫乎邾婁諱亟

也亟疾也屬有小君之喪邾婁子來加禮未期而取其邑故諱不繫邾婁也

八月滕子卒

九月、晉侯、宋公、衛侯、鄭伯、曹伯、會于扈。

晉荀林父帥師伐陳。

辛酉、晉侯黑臀卒于扈。

扈者何、晉之邑也、諸侯卒其封內不地、此何以

地、卒于會、故地也、未出其地、故不言會也。

冬、十月、癸酉、衛侯鄭卒。

宋人圍滕。

楚子伐鄭、晉卻缺帥師救鄭。

陳殺其大夫泄冶。

泄左作洩

十年、春、公如齊、公至自齊、齊人歸我濟西田。

齊已取之矣、其言我何、言我者、未絕於我也。曷

爲未絕於我、齊已言取之矣、其實未之齊也。

夏、四月、丙辰、日有食之。

己巳、齊侯元卒。

齊崔氏出奔衛。

崔氏者何、齊大夫也、其稱崔氏何、貶曷爲貶、譏

世卿、世卿非禮也。

公如齊。

五月公至自齊

癸巳陳夏徵舒弑其君平國

六月宋師伐滕

公孫歸父如齊葬齊惠公

晉人宋人衛人曹人伐鄭

秋天王使王季子來聘

類音類又力
對欺類二反
二傳作譯

王季子者何天子之大夫也其稱王季子何貴也其貴奈何毋弟也

公孫歸父伐邾婁取類

大水

季孫行父如齊

冬公孫歸父如齊

齊侯使國佐來聘

饑

何以書以重書也

楚子伐鄭

十有一年春王正月

夏楚子陳侯鄭伯盟于辰陵

辰穀作夷

攢音纂
才端反

公孫歸父會齊人伐莒

秋晉侯會狄于攢函

冬十月楚人殺陳夏徵舒

此楚子也其稱人何貶曷為貶不與外討也不與外討者因其討乎外而不與也雖內討亦不與也曷為不與實與而文不與文曷為不與諸侯之義不得專討也諸侯之義不得專討則其曰實與之何上無天子下無方伯天下諸侯有為無道者臣弑君子弑父方能討之則討之可

也

寧左穀作寧

丁亥楚子入陳納公孫甯儀行父于陳

此皆大夫也其言納何納公黨與也

十有二年春葬陳靈公

討此賊者非臣子也何以書葬君子辭也楚已討之矣臣子雖欲討之而無所討也

楚子圍鄭

夏六月乙卯晉荀林父帥師及楚子戰于郟晉師

敗績

前以兩辭
命見工後
以兩諫作
波便色濃
而味永

無良邊垂
之臣鄭伯
自以邊吏
為解耳注
舛

章法

大夫不敵君此其稱名氏以敵楚子何不與晉
而與楚子為禮也曷為不與晉而與楚子為禮
也莊王伐鄭勝乎皇門句法放乎路衢鄭伯肉袒左
執茅旌右執鸞刀以逆莊王曰寡人無良邊垂
之臣以干天禍是以使君王沛焉辱到敝邑君
如矜此喪人錫之不毛之地使帥一二耆老而
綏焉請唯君王之命莊王曰君之不令臣交易
為言是以使寡人得見君之玉面而微至乎此
莊王親自手旌左右麾搗軍退舍七里將軍子重

杆音于舊云
是杆字若今
食幣矣
古雅

諫曰南郢之與鄭相去數千里諸大夫死者數
人廝役扈養死者數百人今君勝鄭而不有無
乃失民臣之力乎莊王曰古者杆不穿皮不蠹
則不出於四方是以君子篤於禮而薄於利要
其人而不要其土告從不赦不詳吾以不詳道
民災及吾身何日之有既則晉師之救鄭者至
日請戰莊王許諾將軍子重諫曰晉大國也王
師淹病矣君請勿許也莊王曰弱者吾威之疆
者吾辟之是以使寡人無以立乎天下句法令之還

舟中之指
句左傳描
寫中軍下
軍爭舟之
狀也此只
借一語點
綴得妙

師而逆晉寇莊王鼓之晉師大敗晉衆之走者
舟中之指可掬矣莊王曰嘻吾兩軍不相好百
姓何罪令之還師而佚晉寇
不與晉而反與楚
子爲君臣之禮者
以惡晉也茅旌祀宗廟所用迎道神指護祭者
斷曰籍不斷曰旌鸞刀宗廟割切之刀環有和
鋒有鸞執宗廟器者示以宗廟不血食自歸首
也良善也無善喻有過言已有過於楚邊垂之
臣謙不敢斥莊王也交易猶往來也言君之不
善臣屢往來爲惡言也微喻小也艾草爲防者
曰廝汲水漿者曰役養馬者曰扈炊烹者曰養
杆飲水器杆穿皮蠹乃出四方言古者出四方
朝聘征伐皆當多少圖有所喪費然後乃行爾
而已出征伐士卒死傷固其宜也告從告服從
也善用心曰詳淹久
也。可掬言其多也

秋七月

冬十有二月戊寅楚子滅蕭

晉人宋人衛人曹人同盟于清丘

宋師伐陳衛人救陳

十有三年春齊師伐衛

夏楚子伐宋

秋螽

冬晉殺其大夫先穀

十有四年春衛殺其大夫孔達

衛左穀作

穀穀作穀

夏五月壬申曹伯壽卒

晉侯伐鄭

秋九月楚子圍宋

葬曹文公

冬公孫歸父會齊侯于穀

十有五年春公孫歸父會楚子于宋

夏五月宋人及楚人平

此為古今
共賞然細
玩平而之
變質而少
腴

此篇愈者
復愈益可
喜妙品也

△外平不書此何以書大其平乎已也何大乎其
平乎已莊王圍宋軍有七日之糧爾盡此不勝

將去而歸爾於是使司馬子反乘堙而闚宋城
宋華元亦乘堙而出見之司馬子反曰子之國
何如華元曰憊矣曰何如曰易子而食之析骸
而炊之司馬子反曰嘻甚矣憊雖然吾聞之也
圍者柑馬而秣之使肥者應客是何子之情也
華元曰吾聞之君子見人之厄則矜之小人見
人之厄則幸之吾見子之君子也是以告情於
子也司馬子反曰諾勉之矣吾軍亦有七日之
糧爾盡此不勝將去而歸爾揖而去之反于莊

其意正大
其辭軒爽

王莊王曰何如司馬子反曰憊矣曰何如曰易
子而食之析骸而炊之莊王曰嘻甚矣憊雖然
吾今取此然後而歸爾司馬子反曰不可臣已
告之矣軍有七日之糧爾莊王怒曰吾使子往
視之子曷為告之司馬子反曰以區區之宋猶
有不欺人之臣可以楚而無乎是以告之也莊
王曰諾舍而止雖然吾猶取此然後歸爾司馬
子反曰然則君請處于此臣請歸爾莊王曰子
去我而歸吾孰與處于此吾亦從子而歸爾引

師而去之故君子大其平乎已也此皆大夫也
其稱人何貶曷為貶平者在下也已已二大夫也堙距堙土
城具秣者以粟置馬口中柑者以木銜其口不
欲令食粟示有蓄積舍而止者築舍而止示無
去計犬者大
其有仁恩也

章法

六月癸卯晉師滅赤狄潞氏以潞子嬰兒歸

潞何以稱子潞子之為善也躬足以亡爾雖然
君子不可不記也離于夷狄而未能合于中國
晉師伐之中國不救狄人不有是以亡也躬身也

秦人伐晉

王札子殺召伯毛伯

王札子何長庶之號也

秋螽

仲孫蔑會齊高固于牟婁

初稅畝

年左穀作無

△初者何始也稅畝者何履畝而稅也初稅畝何

以書譏何譏爾譏始履畝而稅也何譏乎始履

畝而稅古者什一而藉古者曷為什一而藉什

一者天下之中正也多乎什一大桀小桀寡乎

什一大貉小貉什一者天下之中正也什一行

而頌聲作矣

什一而行明正舊典宣公無恩信於民民不肯盡力公田故履踐案

行擇其田畝穀最好者稅取之也

冬螽生

△未有言螽生者此其言螽生何螽生不書此何

以書幸之也幸之者何猶曰受之云爾受之云

爾者何上變古易常應是而有天災其諸則宜

於此焉變矣

螽即螽也始生日螽大曰螽災宜避之今而云受之者言宣公於此

天災饑後能受過變寤明年復古行中冬大有年其功美過於無災故君子深為喜而僥倖之

饑

十有六年春王正月晉人滅赤狄甲氏及留吁

夏成周宣謝災

謝左穀作
榘災左作
火

成周者何東周也宣謝者何宣宮之謝也何言

乎成周宣謝災樂器藏焉爾成周宣謝災何以

書記災也外災不書此何以書新周也

室有東
西廂曰

廟無東西廂有室曰寢無室曰榘樂器宣王中
典所作樂器也孔子以春秋當新王上黜杞下
新周而故宋因天災中興之樂器示周不復興
故繫宣榘於成周使若國文黜而新之從為王
者後記
災也

秋邾伯姬來歸

冬大有年

十有七年春王正月庚子許男錫我卒

丁未蔡侯申卒

夏葬許昭公

葬蔡文公

六月癸卯日有食之

己未公會晉侯衛侯曹伯邾婁子同盟于斷道

秋公至自會

斷音短又
大短反

冬十有一月壬午公弟叔肸卒

十有八年春晉侯衛世子臧伐齊

公伐杞

夏四月

鄆穀作縉

秋七月邾婁人戕鄆子于鄆

戕鄆子于鄆者何殘賊而殺之也

支解節斷之故變殺言戕

旅穀作呂

甲戌楚子旅卒

何以不書葬吳楚之君不書葬辟其號也

葬從臣子

辭當稱王故絕其號明當誅之

公孫歸父如晉

冬十月壬戌公薨于路寢

檀左作塋

歸父還自晉至檀遂奔齊

還者何善辭也何善爾歸父使於晉還自晉至

檀聞君薨家遣塋帷哭君成踊反命乎介自是

走之齊家遣家為魯所逐遣以先人弒君故也

事見成十五年春仲嬰齊卒傳掃地曰塋今齊俗名之云爾將袒踊故設帷重形成踊成三日五哭踊之禮反命乎介因介反命也禮

卿出聘以大夫為上介以士為衆介

皇明天啓元年春正月烏程閔齊伋遇五父裁注



春秋公羊傳

成公

元年春王正月公即位

二月辛酉葬我君宣公

無冰

三月作丘甲

何以書譏何譏爾譏始丘使也

四井為邑。四邑為丘。甲。鎧也。譏

始使丘民作鎧也

夏臧孫許及晉侯盟于赤棘

質音茂一
音茅左作
茅

秋王師敗績于貿戎

孰敗之蓋晉敗之或曰貿戎敗之然則曷為不言晉敗之王者無敵莫敢當也

冬十月

二年春齊侯伐我北鄙

夏四月丙戌衛孫良夫帥師及齊師戰于新築衛師敗績

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子手及齊侯戰于

手一作午
左作首

鞞齊師敗績

曹無大夫公子手何以書憂內也

素穀作爰

秋七月齊侯使國佐如師巴西及國佐盟于袁婁

佚或作失

君不使乎大夫此其行使乎大夫何佚獲也其

佚獲奈何師還齊侯晉郤克投戟逡巡再拜稽

首馬前逢五父者頃公之車右也面目與頃公

相似衣服與頃公相似代頃公當左使頃公取

飲頃公操飲而至曰革取清者頃公用是佚而

不反逢丑父曰吾賴社稷之神靈吾君已免矣

奇事奇叙
點綴有色
描寫入細
此先提敗
後事以解
佚獲以明
大夫所以
使君君當
賤絕意

所在畧反
又仕畧反

輕大結反
又丈乙反

迂本又作
評

畸居倚反
又於綺反

駭音言又
魚輩反又
音考

就原辭作
與我云云
法是一答

一本是則
土齊也曰
不可

國佐語俱
質勁壯決
生氣勃安
得不悚聽

形容

郤克曰欺三軍者其法奈何曰法斡於是斡逢

丑父巴西及齊國佐盟于袁婁曷為不盟于師

而盟于袁婁前此者晉郤克與臧孫許同時而

聘于齊蕭同姪子者齊君之母也踊于楛而闖

客則客或跛奇或眇於是使跛者迂跛者使眇者

迂眇者大夫出相與躋閭而語移日然後相去

齊人皆曰患之起必自此始二大夫歸相與率

師為鞏之戰齊師大敗齊侯使國佐如師郤克

曰與我紀侯之麤叙四意不覺堆反魯衛之侵地使耕者東畝

且以蕭同姪子為質則吾舍子矣國佐曰與我

紀侯之麤句法請諾反魯衛之侵地請諾使耕者東

畝是則土齊也蕭同姪子者齊君之母也齊君

之母猶晉君之母也不可請戰壹戰句法不勝請再

再戰不勝請三三戰不勝則齊國盡子之有也

何必以蕭同姪子為質揖而去之郤克瞬跌魯衛

之使使其以辭而為之請然後許之逮于袁婁

而與之盟伏獲者已獲而逃亡也當絕賤使與

水泉濁欲使遠取清者因亡去爾斡斡也釋器
云魚曰斡之蕭同國名姪子蕭同君姪姊之子

踊上也。凡無高下有絕。加躡板曰楛。齊人語也。迂迎也。閭當道門。閉一扇。開一扇。一人在外。一人在內。曰踦閭。使耕者東畝。使耕者東西如晉地也。蓋晉地谷川。宜東畝者多。故言此。土齊也。者言晉悉以齊為土地也。跌義見前。郤克恥傷其威。故使魯衛大夫以國佐辭為國佐請。逮及也。追及國佐于袁婁也。

八月壬午宋公鮑卒

遼左穀作速

庚寅衛侯遼卒

取汶陽田

汶陽田者何鞏之賂也

冬楚師鄭師侵衛

十有一月公會楚公子嬰齊于蜀

一本無齊人字脫

丙申公及楚人秦人宋人陳人衛人鄭人齊人曹人邾婁人薛人鄆人盟于蜀

此楚公子嬰齊也。其稱人何得一法一貶焉爾。得一獨此一事。得具見其惡。故貶之爾。貶者不然。則當沒公也。如齊高傒矣。

三年春王正月公會晉侯宋公衛侯曹伯伐鄭

辛亥葬衛繆公

二月公至自伐鄭

甲子新宮災三日哭

新宮者何、宣公之宮也、宜宮則曷爲謂之新宮、不忍言也、其言三日哭何、廟災三日哭禮也、新宮災何以書、記災也、

乙亥葬宋文公

夏公如晉

鄭公子去疾率師伐許

公至自晉

秋叔孫僑如率師圍棘

棘者何、汶陽之不服邑也、其言圍之何不聽也、

大雩

晉卻克衛孫良夫伐將咎如

將左作厲
穀作牆

冬十有一月晉侯使荀庚來聘衛侯使孫良夫來

聘丙午及荀庚盟丁未及孫良夫盟

此聘也、其言盟何、聘而言盟者尋舊盟也、

鄭伐許

四年春宋公使華元來聘

三月壬申鄭伯堅卒

杞伯來朝

堅者刃反
本或作取
穀作賢

夏四月甲寅臧孫許卒

公如晉

葬鄭襄公

秋公至自晉

冬城運

鄭伯伐許

五年春王正月杞叔姬來歸

仲孫蔑如宋

夏叔孫僑如會晉荀秀于穀

秀左穀作首

梁山崩

梁山者何河上之山也梁山崩何以書記異也何異爾大也何大爾梁山崩壅河三日不流外異不書此何以書為天下記異也

秋大水

冬十有一月巳酉天王崩

十有二月巳丑公會晉侯齊侯宋公衛侯鄭伯曹伯邾婁子杞伯同盟于蟲牢

六年春王正月公至自會

二月辛巳立武宮

武宮者何武公之宮也立者何立者不宜立也立武宮非禮也

郭市轉反又音專

取郭

郭者何邾婁之邑也曷為不繫于邾婁諱亟也

諱魯背信亟也屬相與為蟲牢之盟旋取其邑故使若非蟲牢人矣

衛孫良夫率師侵宋

夏六月邾婁子來朝

公孫嬰齊如晉

壬申鄭伯費卒

秋仲孫蔑叔孫僑如率師侵宋

楚公子嬰齊率師伐鄭

冬季孫行父如晉

晉欒書率師侵鄭

侵左穀作救

七年春王正月麋鼠食郊牛角改卜牛麋鼠又食

其角乃免牛

吳伐郟談

夏五月曹伯來朝

不郊猶三望

秋楚公子嬰齊率師伐鄭公會晉侯齊侯宋公衛侯曹伯莒子邾婁子杞伯救鄭八月戊辰同盟于馬陵公至自會

吳入州來

冬大雩

衛孫林父出奔晉

八年春晉侯使韓穿來言汶陽之田歸之于齊

來言者何內辭也脅我使我歸之也曷為使我

自勝者強

明是畏之却作門面語語淡而有深情

歸之鞏之戰齊師大敗齊侯歸弔死視疾七年不飲酒不食肉晉侯聞之曰嘻奈何使人之君七年不飲酒不食肉請皆反其所取侵地

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

納幣不書此何以書錄伯姬也

伯姬守節逮火而死賢故詳錄

晉殺其大夫趙同趙括

錫左作賜

秋七月天子使召伯來錫公命

其稱天子何元年春王正月正也其餘皆通矣

王者文不變也其餘謂不繫於元年者或言王或言天王或言天子皆相通矣

冬十月癸卯杞叔姬卒

晉侯使士燮來聘

叔孫僑如會晉士燮齊人邾婁人伐邾

衛人來媵

媵盈去聲又音剽

媵不書此何以書錄伯姬也

九年春王正月杞伯來逆叔姬之喪以歸

杞伯曷為來逆叔姬之喪以歸內辭也脅而歸之也

公會晉侯齊侯宋公衛侯鄭伯曹伯莒子杞伯同

盟于蒲

公至自會

二月伯姬歸于宋

夏季孫行父如宋致女

未有言致女者此其言致女何錄伯姬也

晉人來媵

△媵不書此何以書錄伯姬也

秋七月丙子齊侯無野卒

晉人執鄭伯

晉欒書帥師伐鄭

冬十有一月葬齊頃公

楚公子嬰齊帥師伐莒庚申莒潰

楚人入運

秦人白狄伐晉

鄭人圍許

城中城

十年春衛侯之弟黑背率師侵鄭

夏四月五卜郊不從乃不郊

其言乃不郊何不免牲故言乃不郊也不免牲當坐盜

天牲失事天之道故諱使若重難不得郊

五月公會晉侯齊侯宋公衛侯曹伯伐鄭

齊人來媵

△媵不書此何以書錄伯姬也三國來媵非禮也曷為皆以錄伯姬之辭言之婦人以衆多為侈

也。侈大也。朝廷侈於妬上。婦人侈於妬下。伯姬以至賢。為三國所爭。勝故大其能容。

丙午、晉侯獯卒。

秋、七月。

公如晉。

十有一年、春、王三月、公至自晉。

晉侯使郤州來聘、己丑及郤州盟。

夏季、孫行父如晉。

秋、叔孫僑如如齊。

冬、十月。

十有二年、春、周公出奔晉。

周公者何、天子之三公也、王者無外、此其言出

何、自其私土而出也。

夏、公會晉侯、衛侯于沙澤。

秋、晉人敗狄于交剛。

冬、十月。

十有三年、春、晉侯使郤錡來乞師。

三月、公如京師。

夏、五月、公自京師、遂會晉侯、齊侯、宋公、衛侯、鄭伯。

州左穀作
擘後皆同
本亦作擘

沙素何反
又如字左
穀作璫定
七年同

曹伯邾婁人滕人伐秦

其言自京師何公鑿行也公鑿行奈何不敢過

天子也

鑿造意也。猶更造之意。時本欲直伐秦塗過京師不敢過天子而不朝復生事

修朝禮而後行。故起時善而褒成其意。使若故朝。然後生事也。

曹伯廬卒于師

廬音廬本亦作廬左作廬

秋七月公至自伐秦

冬葬曹宣公

十有四年春王正月莒子朱卒

夏孫林父自晉歸于衛

秋叔孫僑如如齊逆女

鄭公子喜率師伐許

九月僑如以夫人婦姜氏至自齊

冬十月庚寅衛侯臧卒

秦伯卒

十有五年春王二月葬衛定公

三月乙巳仲嬰齊卒

仲嬰齊者何公孫嬰齊也公孫嬰齊則曷為謂

之仲嬰齊為兄後也為兄後則曷為謂之仲嬰

核叙事儘詳

齊為人後者為之子也。為人後者為其子，則其稱仲何？孫以王父字為氏也。然則嬰齊孰後？後歸父也。歸父使于晉而未反，何以後之？叔仲惠伯，傅子赤者也。文公死，子幼，公子遂謂叔仲惠伯曰：君幼，如之何？願與子慮之。叔仲惠伯曰：吾子相之，老夫抱之。何幼君之有？公子遂知其不可與謀，退而殺叔仲惠伯，弑子赤而立宣公。宣公死，成公幼，臧宣公者相也。君死不哭，聚諸大夫而問焉，曰：昔者叔仲惠伯之事，孰為之？諸大夫皆雜。然曰：仲氏也。其然乎？於是遣歸父之家，然後哭君。歸父使乎晉，還自晉，至櫟，聞君薨，家遣墀帷哭君，成踊，反會于介，自是走之齊。魯人徐傷歸父之無後也，於是使嬰齊後之也。

雜七合反 又如字

洒逸容與

戊音恤本 或作成 左穀無之 字

夫皆雜。然曰仲氏也。其然乎。於是遣歸父之家。然後哭君。歸父使乎晉。還自晉。至櫟。聞君薨。家遣墀帷哭君。成踊。反會于介。自是走之齊。魯人徐傷歸父之無後也。於是使嬰齊後之也。
仲遂之子。公孫歸父之弟。為兄後。是更為公孫之子。故不得復氏。公孫也。臧宣公。臧孫許也。宣之辭也。徐者皆共。關東語。

癸丑公會晉侯、衛侯、鄭伯、曹伯、宋世子戌、齊國佐、邾婁人，同盟于戚。晉侯執曹伯，歸之于京師。公至自會。

夏六月宋公固卒

楚子伐鄭

秋八月庚辰葬宋共公

宋華元出奔晉

宋華元自晉歸于宋

宋殺其大夫山

宋魚石出奔楚

冬十有一月叔孫僑如會晉士燮齊高無咎宋華

元衛孫林父鄭公子鱒秋邾婁人會吳于鍾離

曷為殊會吳外吳也曷為外也春秋內其國而

外諸夏內諸夏而外夷狄王者欲一乎天下曷

為以外內之辭言之言自近者始也

許遷于葉

十有六年春王正月雨木冰

雨木冰者何雨而木冰也何以書記異也木者少陽

幼君大臣之象冰者凝陰兵之類也

夏四月辛未滕子卒

鄭公子喜率師侵宋

六月丙寅朔日有食之

晉侯使欒黶來乞師

甲午晦

晦者何冥也何以書記異也

晉侯及楚子鄭伯戰于鄢陵楚子鄭師敗績

敗者稱師楚何以不稱師王夷也王夷者何傷

乎矢也然則何以不言師敗績未言爾夷傷也時為飛

矢所中未無也無所取於言師敗績也

楚殺其大夫公子側

秋公會晉侯齊侯衛侯宋元邾婁人于沙隨不

見公公至自會

不見公者何公不見見也公不見見大夫執何

以致會不恥也曷為不恥公幼也不見見者志乞師不得欲

執之因公幼殺恥為諱辭爾不書行父執者公不見見已重矣

公會尹子晉侯齊國佐邾婁人伐鄭

曹伯歸自京師

執而歸者名曹伯何以不名而不言復歸於曹

何易也其易奈何公子喜時在內也公子喜時

冥亡定反又亡丁反鄢於晚反又於建反

未言猶云未節王夷為重師敗為輕不必言矣

招章饒反
又上饒反
左穀作若

新趣

在內則何以易公子喜時者仁人也內平其國而待之外治諸京師而免之其言自京師何言甚易也舍是無難矣外治諸京師而免之者訟治於京師解免使來歸也舍是無難矣者舍此所從還無危難矣

九月晉人執季孫行父舍之于招丘

執未有言舍之者此其言舍之何仁之也曰在招丘怖矣執未有言仁之者此其言仁之何代公執也其代公執奈何前此者晉人來乞師而不與公會晉侯將執公季孫行父曰此臣之罪也於是執季孫行父成公將會厲公會不當期將執公季孫行父曰臣有罪執其君子有罪執其父此聽失之大者也今此臣之罪也舍臣之身而執臣之君向法吾恐聽失之為宗廟羞也於是

執季孫行父怖悲也仁之者若曰在招丘可悲矣前此者謂上樂厲來乞師也鄆陵之戰不見魯師則知不與矣公會晉侯會沙隨也成公將會厲公謂上伐鄭也聽失之大者言聽獄者失之大者矣

冬十月乙亥叔孫僑如出奔齊

十有二月乙丑季孫行父及晉郤州盟于扈公至

自會

乙酉刺公子偃

十有七年春衛北宮結率師侵鄭

夏公會尹子單子晉侯齊侯宋公衛侯曹伯邾婁人伐鄭

六月乙酉同盟于柯陵

秋公至自會

齊高無咎出奔莒

九月辛丑用郊

用者何用者不宜用也六月非所用郊也然則

郊曷用郊用正月上辛或曰用然後郊或曰用

事存后稷神名也晉人將有事於河必先有事於惡池齊人將有事於泰山必先有事於蜚林魯人將有事於天必先有事於泮宮九月郊尤悖禮故言用小大盡譏之古禮郊之前日午後陳其牲物告牲之牲於后稷則知此經宜云九月用辛丑郊矣

晉侯使荀罃來乞師

冬公會單子晉侯宋公衛侯曹伯齊人邾婁人伐

鄭十有一月公至自伐鄭

壬申公孫嬰齊卒于狸軫

軫左作服
疑作蜃

即下丁巳朔逆推壬申為十月十六日

非此月日也曷為以此月日卒之待君命然後卒大夫曷為待君命然後卒大夫前此者嬰齊走之晉公會晉侯將執公嬰齊為公請公許之反為大夫歸至于狸軫而卒無君命不敢卒大夫公至曰吾固許之反為大夫然後卒之

十有二月丁巳朔日有食之
邾婁子貜且卒

晉殺其大夫卻錡卻州卻至
楚人滅舒庸

十有八年春王正月晉殺其大夫胥童

庚申晉弑其君州蒲

齊殺其大夫國佐

公如晉

夏楚子鄭伯伐宋宋魚石復入于彭城

公至自晉晉侯使士匄來聘

秋杞伯來朝

八月邾婁子來朝

築鹿圃

何以書譏何譏爾有圍矣又爲也

已丑公薨于路寢

冬楚人鄭人侵宋

晉侯使士彭來乞師

十有二月仲孫蔑會晉侯宋公衛侯邾婁子齊崔

杼同盟于虛打

起魚勃

丁未葬我君成公

皇明天啓元年春正月烏程閔齊伋遇五父裁注

春秋公羊傳

襄公

元年春王正月公卽位

仲孫蔑會晉欒黶宋華元衛甯殖曹人莒人邾婁人滕人薛人圍宋彭城

宋華元曷爲與諸侯圍宋彭城爲宋誅也其爲宋誅奈何魚石走之楚楚爲之伐宋取彭城以封魚石魚石之罪奈何以入是爲罪也楚已取之矣曷爲繫之宋不與諸侯專封也

魚石於成十五年

彭左穀作

出之時。直是與山有親。恐見及。是以辟而去。非其大罪也。至成十八年。外託鄭楚之兵。以伐取君邑。遂居彭城。與君相拒。失人臣之義。故曰以入是爲罪。

夏晉韓屈率師伐鄭

屈左穀作厥

仲孫蔑會齊崔杼。曹人邾婁人杞人次于合。

合左穀作師

秋楚公子壬夫率師侵宋。

九月辛酉天王崩。

邾婁子來朝。

冬衛侯使公孫剽來聘。

晉侯使荀罃來聘。

二年春王正月葬簡王。

鄭師伐宋。

夏五月庚申夫人姜氏薨。

六月庚辰鄭伯踰卒。

晉師宋師衛甯殖侵鄭。

秋七月仲孫蔑會晉荀罃宋華元衛孫林父曹人

邾婁人于戚。

己丑葬我小君齊姜。

齊姜者何齊姜與繆姜則未知其爲宣夫人與

成夫人與左氏謂齊姜爲成夫人。繆姜爲宣夫人。公羊無聞故依違焉爾叔孫豹如宋。

冬仲孫蔑會晉荀偃齊崔杼宋華元衛孫林父曹人邾婁人滕人薛人小邾婁人于戚遂城虎牢

虎牢者何鄭之邑也其言城之何取之也取之則曷爲不言取之爲中國諱也曷爲爲中國諱諱伐喪也曷爲不繫乎鄭爲中國諱也大夫無遂事此其言遂何歸惡乎大夫也

楚殺其大夫公子申

三年春楚公子嬰齊帥師伐吳

公如晉

夏四月壬戌公及晉侯盟于長檮公至自晉

六月公會單子晉侯宋公衛侯鄭伯莒子邾婁子齊世子光已未同盟于雞澤

陳侯使袁僑如會

其言如會何後會也

戊寅叔孫豹及諸侯之大夫及陳袁僑盟

曷爲殊及陳袁僑爲其與袁僑盟也

陳鄭楚之與國陳侯

有慕中國之心。有疾。使大夫會諸侯。欲附。疏不復備責。遂與之盟。共結和親。故殊之。起主為與。袁僑盟也。

秋公至自會

冬晉荀罃帥師伐許

四年春王三月巳酉陳侯午卒

夏叔孫豹如晉

秋七月戊子夫人弋氏薨

葬陳成公

八月辛亥葬我小君定弋

弋左穀作如下同

定弋者襄公之母也

定弋昔女成公之妾

冬公如晉

陳人圍頓

五年春公至自晉

夏鄭伯使公子發來聘

叔孫豹郟世子巫如晉

外相如不書此何以書為叔孫豹率而與之俱

向法

也叔孫豹則曷為率而與之俱蓋舅出也莒將滅之故相與往殆乎晉也莒將滅之則曷為相

稿左穀作道

與往殆乎晉取後乎莒也。其取後乎莒奈何莒女有為鄆夫人者蓋欲立其出也。巫者鄆前夫人之子與魯

襄公俱為莒外孫故曰舅出殆疑疑讞於晉齊人語時莒女嫁為鄆後夫人夫人無男有女還嫁之於莒有外孫鄆子愛後夫人而無子欲立其外孫書者善之雖揚父之惡救國之滅可也

仲孫蔑衛孫林父會吳于善稻

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾婁子滕子薛伯齊世子光吳人鄆人于戚

吳句鄆人云句言吳下不加人字則禿不成文是吳所以稱人也

吳何以稱人吳鄆人云則不辭

孔子曰言不順則事不成方以

吳抑鄆國列在稱人上辭不順故進吳稱人

公至自會

冬戍陳

孰戍之諸侯戍之曷為不言諸侯戍之離至不

可得而序故言我也

離至離別前後至也言我者以魯至時書

楚公子貞帥師伐陳公會晉侯宋公衛侯鄭伯曹

伯莒子邾婁子滕子薛伯齊世子光救陳

十有二月公至自救陳

左無莒子下九字

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅鄆

冬叔孫豹如邾婁

季孫宿如晉

十有二月齊侯滅萊

曷為不言萊君出奔國滅君死之正也

七年春邾子來朝

夏四月三卜郊不從乃免牲

小邾婁子來朝

城費

秋季孫宿如衛

八月螽

冬十月衛侯使孫林父來聘壬戌及孫林父盟

楚公子貞帥師圍陳

鄒于委反又
凡吹反穀作
隱原左作禎
操七報反又
七南反左作
鄒

十有二月公會晉侯宋公陳侯衛侯曹伯莒子邾
婁子于鄒鄭伯鬯原如會句法未見諸侯丙戌卒于操
操者何鄭之邑也諸侯卒其封內不地此何以
地隱之也何隱爾弑也孰弑之其大夫弑之曷
為不言其大夫弑之為中國諱也曷為為中國
諱鄭伯將會諸侯于鄒其大夫諫曰中國不足
歸也則不若與楚鄭伯曰不可其大夫曰以中
國為義則伐我喪以中國為彊則不若楚於是
弑之鄭伯鬯原何以名傷而反未至于舍而卒

也未見諸侯其言如會何致其意也

諸侯如會不名諸侯

卒名於如會名之明如會時為大夫所傷以傷辜死也舍昨所舍止處

陳侯逃歸

八年春王正月公如晉

夏葬鄭僖公

賊未討何以書葬為中國諱也

鄭人侵蔡獲蔡公子燮

此侵也其言獲何侵而言獲者適得之也

季孫宿會晉侯鄭伯齊人宋人衛人邾婁人于邢

燮穀作濕

丘

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

九年春宋火

火左穀作災

曷為或言災或言火大者曰災小者曰火然則內何以不言火內不言火者甚之也何以書記

災也外災不書此何以書為王者之後記災也

甚之也者春秋以內為天下法動作當先自克責故小有火如大有災

夏季孫宿如晉

五月辛酉夫人姜氏薨

秋八月癸未葬我小君繆姜

繆左穀作穆

冬公會晉侯宋公衛侯曹伯莒子邾婁子滕子薛伯杞伯小邾婁子齊世子光伐鄭十有二月巳亥

同盟于戲

證

楚子伐鄭

春秋公羊傳

襄公

偏音福又
彼力反穀
作傳

十年春公會晉侯宋公衛侯曹伯莒子邾婁子滕子薛伯杞伯小邾婁子齊世子光會吳于柤夏五月甲午遂滅偃陽公至自會

楚公子貞鄭公孫輒帥師伐宋

晉師伐秦

秋莒人伐我東鄙

公會晉侯宋公衛侯曹伯莒子邾婁子齊世子光滕子薛伯杞伯小邾婁子伐鄭

冬盜叔鄭公子斐公子發公孫輒

斐左作駢

戊鄭虎牢

孰戊之諸侯戊之曷為不言諸侯戊之離至不可得而序故言我也諸侯已取之矣曷為繫之鄭諸侯莫之主有故反繫之鄭

楚公子貞帥師救鄭

公至自伐鄭

十有一年春王正月作三軍

三軍者何三卿也作三軍何以書譏何譏爾古者上卿下卿上士下士

主有絕向蓋
諸侯本無利
虎牢之心欲
共以距楚爾
無主有之者

只引古而
不古之非
自見

空。上卿各一。下卿各二。司馬氏事省。上下卿各一。上士相上卿。下士相下卿。足以爲治。襄公委任疆臣。國家內亂。不推其源。乃益司馬。作中卿官。踰王制。故譏之。

夏四月。四卜。郊不從。乃不郊。

鄭公孫舍之帥師侵宋。

公會晉侯、宋公、衛侯、曹伯、齊世子光、莒子、邾婁子、

滕子、薛伯、杞伯、小邾婁子、伐鄭。秋七月己未。同盟

京左作亳

于京城北。公至自伐鄭。

楚子、鄭伯伐宋。

公會晉侯、宋公、衛侯、曹伯、齊世子光、莒子、邾婁子、

滕子、薛伯、杞伯、小邾婁子、伐鄭。會于蕭魚。

此伐鄭也。其言會于蕭魚何。蓋鄭與會爾。

中國以鄭

故。三年五起兵。至是乃服。其後無干戈之患。二十餘年。故喜而詳錄其會。起得鄭爲重也。

公至自會。

霄穀作宵

楚人執鄭行人良霄。

冬。秦人伐晉。

台穀作郚

十有二年春。王三月。莒人伐我東鄙。圍台。

邑不言圍。此其言圍何。伐而言圍者。取邑之辭也。伐而不言圍者。非取邑之辭也。

運左穀作

季孫宿帥師救台遂入運

大夫無遂事此其言遂何公不得為政爾

夏晉侯使士彭來聘

秋九月吳子乘卒

冬楚公子貞帥師侵宋

公如晉

十有三年春公至自晉

夏取詩

詩者何邾婁之邑也曷為不繫乎邾婁諱亟也

詩或作邾
左穀作邾

諱背蕭魚
之會亟

秋九月庚辰楚子審卒

冬城防

十有四年春王正月季孫宿叔老會晉士匄齊人

宋人衛人鄭公孫嚙曹人莒人邾婁人滕人薛人

杞人小邾婁人會吳于向

魯

二月乙未朔日有食之

夏四月叔孫豹會晉荀偃齊人宋人衛北宮結鄭

公孫嚙曹人莒人邾婁人滕人薛人杞人小邾婁

嚙勅邁反
左穀作薑
後同

左穀無衍
字

人伐秦

已未衛侯衍出奔齊

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫蠆
莒人邾婁人于戚

十有五年春宋公使向戌帥來聘二月已亥及向戌
盟于劉

劉夏逆王后于齊

劉夏者何天子之大夫也劉者何邑也其稱劉
何以邑氏也外逆女不書此何以書過我也

夏齊侯伐我北鄙圍成◎◎◎法◎◎公救成至遇

其言至遇何不敢進也

季孫宿叔孫豹帥師城成郛

秋八月丁巳日有食之

邾婁人伐我南鄙

冬十有一月癸亥晉侯周卒

十有六年春王正月葬晉悼公

周本作離

漢古闕反
讀若菊一
本作具

一語陡住
妙意似盡
而不盡媿
令人思
公羊多此
法

三月公會晉侯、宋公、衛侯、鄭伯、曹伯、莒子、邾婁子、薛伯、杞伯、小邾婁子于溴梁。戊寅，大夫盟。

諸侯皆在是，其言大夫盟，何？信在大夫也。何言

乎？信在大夫，徧刺天下之大夫也。曷為徧刺天

下之大夫？君若贅旒然。旒，旒旒。贅，繫屬之辭。若

以旒旒喻者。為下所執持，東、西就壻之

晉人執莒子邾婁子以歸。

齊侯伐我北鄙。

夏，公至自會。

五月甲子，地震。

叔老會鄭伯、晉荀偃、衛甯殖、宋人伐許。

秋，齊侯伐我北鄙，圍成。

大雩。

冬，叔孫豹如晉。

十有七年，春，王二月，庚午，邾婁子矰卒。

宋人伐陳。

夏，衛石買帥師伐曹。

秋，齊侯伐我北鄙，圍洮。

矰音閉或
下奸反左
作輕

成左作邲

洮他刀反
左穀作桃

左高上無
齊字

齊高厚帥師伐我北鄙圍防

九月大雩

宋華臣出奔陳

冬邾婁人伐我南鄙

十有八年春白狄來

白狄者何夷狄之君也何以不言朝不能朝也

夏晉人執衛行人石買

穀作齊侯

秋齊師伐我北鄙冬十月公會晉侯宋公衛侯鄭

伯曹伯莒子邾婁子滕子薛伯杞伯小邾婁子同

圍齊曹伯負芻卒于師

楚公子午帥師伐鄭

阿左穀作
柯

十有九年春王正月諸侯盟于祝阿晉人執邾婁

子

公至自伐齊

此同圍齊也何以致伐未圍齊也未圍齊則其
言圍齊何抑齊也曷為抑齊為其亟伐也或曰
為其驕蹇使其世子處乎諸侯之上也

取邾婁田自漵水

漵火號反
徐音却

其言自澠水何以澠為竟也何言乎以澠為竟
魯本與邾婁以澠為竟。澠移入邾婁界。魯隨而有之。當坐取邑。

季孫宿如晉

葬曹成公

夏衛孫林父帥師伐齊

秋七月辛卯齊侯瑗卒

晉士匄帥師侵齊至穀聞齊侯卒乃還

還者何善辭也何善爾大其不伐喪也此受命乎君而伐齊則何大乎其不伐喪大夫以君命

瑗于春反一音環或作環左穀作環

出進退在大夫也
兵不從中御外臨事制宜當敵為師唯義所在

八月丙辰仲孫蔑卒

齊殺其大夫高厚

鄭殺其大夫公子喜

冬葬齊靈公

城西郭

叔孫豹會晉士匄于柯

城武城

二十年春王正月辛亥仲孫遫會莒人盟于向

喜左穀作嘉

遫左穀作

夏六月庚申公會晉侯齊侯宋公衛侯鄭伯曹伯
莒子邾婁子滕子薛伯杞伯小邾婁子盟于澶淵

市然

秋公至自會
仲孫遫帥師伐邾婁

變殺作濕

蔡殺其大夫公子燮蔡公子履出奔楚

先左作黃

陳侯之弟光出奔楚

叔老如齊

冬十月丙辰朔日有食之

季孫宿如宋

二十有一年春王正月公如晉

邾婁庶其句法以漆力於閭丘來奔

邾婁庶其者何邾婁大夫也邾婁無大夫此何

以書重地也

惡受叛臣邑故重而書之

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

左氏紀年
公穀紀生
以為孔氏
之書乎推
極親尊之
思然非作
者意矣

公會晉侯齊侯宋公衛侯鄭伯曹伯莒子邾婁子
于商任

十有一月庚子孔子生左氏經無此句。則公羊從後記之。又本無此句

二十有二年春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾婁
子滕子薛伯杞伯小邾婁子于沙隨公至自會

左無滕子
字

楚殺其大夫公子追舒

二十有三年春王二月癸酉朔日有食之

三月己巳杞伯旬卒

夏邾婁鼻我來奔

鼻左穀作
昇

邾婁鼻我者何邾婁大夫也邾婁無大夫此何

以書以近書也以奔無他義。知以治近升平書也。所傳聞世。見治始起。外諸夏

錄大略小。大國有大夫。小國略稱人。所聞之世。內諸夏。治小如大。廩廩近升平。故小國有大夫。治之漸也。見於邾婁者。自近始也。正以地接於魯。故先治之也。獨舉一國者。時亂。實未有大夫。治亂不失其實。故取足張法而已。

葬杞孝公

陳殺其大夫慶虎及慶寅

陳侯之弟光自楚歸于陳

晉欒盈復入于晉入于曲沃

曲沃者何晉之邑也其言入于晉入于曲沃何

欒盈將入晉晉人不納由乎曲沃而入也

秋齊侯伐衛遂伐晉八月叔孫豹帥師救晉次于

雍渝

曷為先言救而後言次先通君命也

巳卯仲孫遯卒

渝左作榆 君命本救 晉豹不能 救而止于 雍渝故先 言救而復 明其不能

冬十月乙亥臧孫紇出奔邠婁

晉人殺欒盈

曷為不言殺其大夫非其大夫也

齊侯襲莒

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

羯本又作 羯亦作偁 俱居羯反

大水

八月癸巳朔日有食之

公會晉侯宋公衛侯鄭伯曹伯莒子邾婁子滕子

薛伯杞伯小邾婁子于陳儀

冬楚子蔡侯陳侯許男伐鄭

公至自會

陳鍼宜咎其亮出奔楚

叔孫豹如京師

大饑

陳左穀作夷

鍼其廉反本又作咸

二十有五年春齊崔杼帥師伐我北鄙

夏五月乙亥齊崔杼弑其君光

公會晉侯宋公衛侯鄭伯曹伯莒子邾婁子滕子

薛伯杞伯小邾婁子于陳儀

六月壬子鄭公孫舍之帥師入陳

秋八月己巳諸侯同盟于重丘

公至自會

衛侯入于陳儀

陳儀者何衛之邑也曷為不言入于衛向法諉君以

弑也。時衛侯為剽所篡逐。不能以義自復。詐願居是邑。為剽臣。然後候間伺便。使甯喜弑之。君子恥其所為。故就為臣以諉君惡之。

楚屈建帥師滅舒鳩。

嚙左穀作夏

謁左作過

冬鄭公孫嚙帥師伐陳。

十有二月吳子謁伐楚門于巢卒。

門于巢卒者何。入門乎巢而卒也。入門乎巢而

卒者何。入巢之門而卒也。吳子謁何以名傷而

反。未至乎舍而卒也。以名卒間無事。知以傷辜死。義見七年鄭伯髡原如

會傳。吳子欲伐楚。過巢。不假塗。卒暴入巢門。門者以為欲犯巢而射殺之。拮諸侯伐人不名。以

伐楚而書名。門于巢而言卒。其間更無事。知以傷之故。傷辜而死。是以還就於伐而書其名。為

卒。張本文云。伐名。知傷而反卒。繫巢。知未還至舍。

二十有六年春王二月辛卯衛甯喜弑其君剽衛

孫林父入于戚以叛。

甲午衛侯衎復歸于衛。

此諉君以弑也。其言復歸何。惡剽也。曷為惡剽。

剽之立於是未有說也。悅然則曷為不言剽之立。

不言剽之立者。以惡衛侯也。傳云。復歸者。出惡歸無惡。故問言復

歸何也。主惡剽。衛侯入無惡。則剽惡明矣。凡篡立。皆緣親親也。剽以公孫立於是位。尤非其次。

衛人未有說喜由此得成諛禍。故惡剽以爲戒也。欲起衛侯失衆出奔。故不書剽立。剽立無惡則衛侯惡明矣。

夏晉侯使荀吳來聘。

公會晉人鄭良霄宋人曹人于澶淵。

秋宋公殺其世子在宋痤。

晉人執衛甯喜。

痤穀作座

此執有罪何以不得爲伯討不以其罪執之也。

八月壬午許男甯卒于楚。

冬楚子蔡侯陳侯伐鄭。

葬許靈公。

二十有七年春齊侯使慶封來聘。

夏叔孫豹會晉趙武楚屈建蔡公孫歸生衛石惡。

陳孔瑗鄭良霄許人曹人于宋。

衛殺其大夫甯喜衛侯之弟鱣出奔晉。

△衛殺其大夫甯喜則衛侯之弟鱣曷爲出奔晉。

爲殺甯喜出奔也曷爲爲殺甯喜出奔衛甯殖

與孫林父逐衛侯而立公孫剽甯殖病將死謂

喜曰黜公者非吾意也孫氏爲之我卽死女能

瑗左穀作
奐

鱣市轉反
又音專一

音直轉反
穀作專

叙情事切
切淋漓多

致

波瀾

羈本又作羈
鈇音甫又方
乎反鎖之寶
反後才用反
又如字孽魚
列反又五割
反

昧舊音列亡
粉反一音末
又音茂
末句倒文
也

固納公乎喜曰諾甯殖死喜立為大夫使人謂
獻公曰黜公者非甯氏也孫氏為之吾欲納公
何如獻公曰子苟納我吾請與子盟喜曰無所
用盟請使公子鱣約之獻公謂公子鱣曰甯氏
將納我吾欲與之盟其言曰無所用盟請使公
子鱣約之子固為我與之約矣公子鱣辭曰夫
工○辭○負羈繫執鈇鎖從君東西南北則是臣僕庶孽
向○法○之事也若夫約言為信則非臣僕庶孽之所敢
與也獻公怒曰黜我者非甯氏與孫氏片在爾

公子鱣不得已而與之約已約歸至殺甯喜公
子鱣挈其妻子而去之將濟于河攜其妻子而
與之盟曰苟有履衛地食衛粟者昧雉彼視
工○辭○必也繫馬絆也庶孽眾賤子猶樹之有孽生昧
向○法○割也時割雉以為盟猶曰視彼割雉負此盟則
如彼矣

秋七月辛巳豹及諸侯之大夫盟于宋

曷為再言豹殆諸侯也曷為殆諸侯為衛石惡

在是也曰惡人之徒在是矣殆危也危諸侯故

侯術不信而使惡臣石惡來故深為諸侯危懼其將負約

冬十有二月乙亥朔日有食之

二十有八年春無冰

夏衛石惡出奔晉

邾婁子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

乙未楚子昭卒

二十有九年春王正月公在楚

何言乎公在楚正月以存君也

存君義見莊元年傳

夏五月公至自楚

庚午衛侯衎卒

闞弒吳子餘祭

闞者何門人也刑人也刑人則曷為謂之闞刑

人非其人也君子不近刑人近刑人則輕死之

道也以刑人為闞非其人矣故變盜言闞

世以齊左
穀作大叔
儀
左無知妻
入三字

亦濃腴亦
醞藉進退
緩急有法
通篇圓潤
如珠在盤
昧音未一
作未

季子固十
古高風三
君亦東國
豪舉
祝之又反
又之六反

左傳太伯
世家皆以
僚為夷昧
子據此則
僚乃季子
之異母庶
也

惡本或作
焉

仲孫羯會晉荀盈齊高止宋華定衛世叔齊鄭公
孫段曹人莒人邾婁人滕人薛人小邾婁人城杞
晉侯使士鞅來聘
杞子來盟
吳子使札來聘

吳無君無大夫此何以有君有大夫賢季子也
何賢乎季子讓國也其讓國奈何謁也餘祭也
夷昧也與季子同母者四季子弱而才兄弟皆
愛之同欲立之以為君謁曰今若是_春而與季

子國季子猶不受也請無與子而與弟弟兄迭
為君而致國乎季子皆曰諾故諸為君者皆輕
死為勇飲食必祝曰天苟有吳國尚速有悔於
予身故謁也死餘祭也立餘祭也死夷昧也立
夷昧也死則國宜之季子者也季子使而亡焉
僚者長庶也即之季子使而反至而君之爾闔
廬曰先君之所以不與子國而與弟者凡為季
子故也將從先君之命與則國宜之季子者也
如不從先君之命與則我宜立者也僚惡得為

和七賜反
又七亦反
凜有生氣

闔廬有世
及之義故
不殺為仁
使果篡耶
季子殺之
有餘力矣

足滿足謂
全許也
臣榮而君
辱子榮而
父辱是亦

不子不臣
矣妙辭入
微

續奇度又
荷反一書

君乎。於是使專諸刺僚而致國乎季子。季子不
受。曰：爾殺吾君，吾受爾國，是吾與爾為篡也。爾
殺吾兄，吾又殺爾，是父子兄弟相殺，終身無已
也。去之延陵，終身不入吳國。故君子以其不受
為義，以其不殺為仁。賢季子，則吳何以有君？有
大夫以季子為臣，則宜有君者也。札者何？吳季
子之名也。春秋賢者不名，此何以名？許夷狄者
不壹而足也。季子者，所賢也。曷為不足乎季子？
○句○法○許人臣者必使臣，許人子者必使子也。
倉卒意也。

悔咎也。闔廬，謁之長子，尤也。壹而足，義見文九年冬。楚子使椒來聘，傳不壹而足，故降。加名必使臣，必使子者，緣臣子尊榮，莫不欲與君父共之。字季子，則遠其君夷狄常例。離君父辭，故不足以隆父子之親。厚君臣之義矣。餘祭死在今年夏，夷昧立在明年夏，夷昧死在昭十五年春。闔廬殺僚在昭二十七年夏，季子讓在殺僚後。豫於此賢之者，移諱於闔廬，不可以見讓。故復因聘起其事。

秋九月葬衛獻公

齊高止出奔北燕

冬仲孫羯如晉

三十年春王正月楚子使于委遠頗來聘

春秋公羊傳襄公

上作致左

左伯姬
有宋字

年左穀作
佞

穀共姬上
無宋字

左氏謂共
姬女而不
婦、養事
也傳賢之
蓋即此見
貞靜之德
於生平也
毋本或作
姆

夏四月、蔡世子般弑其君固、

五月、甲午、宋災、伯姬卒、

天王殺其弟年夫、

王子瑕奔晉、

秋七月、叔弓如宋、葬宋共姬、

外夫人不書葬、此何以書、隱之也、何隱爾、宋災、
伯姬卒焉、其稱謚、何賢也、何賢爾、宋災、伯姬存
焉、有司復曰、火至矣、請出、伯姬曰、不可、吾聞之
也、婦人夜出、不見、傳母不下堂、傳至矣、尸未至

也、逮乎火而死、

夜出、謂有事宗廟禮、后夫人必
有傳母、所以輔正其行、其身

也。選老大夫為傅
選老大夫妻為母

鄭良霄出奔許、自許入于鄭、鄭人殺良霄、

冬十月、葬蔡景公、

賊未討、何以書葬、君子辭也、

君子為
中國諱

晉人、齊人、宋人、衛人、鄭人、曹人、莒人、邾婁人、滕人、

薛人、杞人、小邾婁人、會于澶淵、宋災故、

宋災故者何、諸侯會于澶淵、凡為宋災故也、會

未有言其所為者、此言所為何、錄伯姬也、諸侯

古字又

春秋公羊傳

相聚而更。宋之所喪曰死者不可復生。爾財復矣。此大事也。曷為使微者卿也。卿則其稱人何。貶曷為貶。卿不得憂諸侯也。更復也。今俗名解浣衣復之。為更衣。

三十有一年春王正月

夏六月辛巳公薨于楚宮。

秋九月癸巳子野卒。

巳亥仲孫羯卒。

冬十月滕子來會葬癸酉葬我君襄公。

十有一月莒人弑其君密州。

烏程閔齊後
遇五父裁注



